



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration

Broj: 06-14-297-7/19
Sarajevo, 17.10.2019. godine

Postupajući po Rješenju Ureda za razmatranje žalbi Bosne i Hercegovine, Filijala Mostar, broj: JN2-03-07-1-2276-7/19 od dana 03.10.2019. godine, a na osnovu člana 111. stav (1) tačka d) i člana 70. stav (1), (4) i (6) Zakona o javnim nabavkama („Službeni glasnik BiH“, broj: 39/14), u postupku javne nabavke roba: „Nabavka i isporuka zaštitnih kaciga za vatrogasce“, Direktor Kantonalne uprave civilne zaštite Kantona Sarajevo, *d o n o s i*

ODLUKU
O PONIŠTENJU POSTUPKA JAVNE NABAVKE

Član 1.

Postupajući po Rješenju Ureda za razmatranje žalbi Bosne i Hercegovine, Filijala Mostar (u daljem tekstu – URŽ), broj: JN2-03-07-1-2276-7/19, ugovorni organ poništava postupak javne nabavke roba: „Nabavka i isporuka zaštitnih kaciga za vatrogasce“, u skladu sa članom 111. stav (1) tačka d) Zakona o javnim nabavkama ("Službeni glasnik BiH" broj: 39/14).

Član 2.

Za realizaciju ove Odluke zadužuje se i ovlašćuje imenovana Komisija u postupku javne nabavke roba: „Nabavka i isporuka zaštitnih kaciga za vatrogasce“ i Sektor za ekonomske poslove Kantonalne uprave civilne zaštite Kantona Sarajevo.

Član 3.

Ova Odluka će se objaviti, u skladu sa članom 70. stav (6) Zakona o javnim nabavkama, na web stranici Kantonalne uprave civilne zaštite Kantona Sarajevo, (www.kucz.ks.gov.ba).

Član 4.

Ova Odluka stupa na snagu danom donošenja i dostavit će se u skladu sa članom 71. stav (2) Zakonom o javnim nabavkama svim ponuđačima koji su učestvovali u postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 06-14-297/19 od 21.08.2019. godine.

Predmetni postupak nabavke je sproveden putem Otvorenog postupka za dostavu ponuda.



Procijenjena vrijednost javne nabavke bez PDV-a je do 160.000,00 KM.

Komisija za nabavku je imenovana Odlukom, broj: 06-14-297-1/19 od 21.08.2019. godine.

Tenderska dokumentacija za predmetni postupak javne nabavke objavljena je dana 30.08.2019. godine na Portalu javnih nabavki.

Obavještenje o nabavci, broj: 282-1-1-53-3-24/19 objavljeno je dana 30.08.2019. godine na Portalu javnih nabavki, kao i tenderska dokumentacija za predmetni postupak javne nabavke u sistemu „E-nabavke“.

Ugovorni organ je dana 10.09.2019. godine, zaprimio žalbu ponuđača „Financ“ d.o.o. Mostar, putem punomoćnika advokata iz Sarajeva, Nezirić Sanela, na predmetnu tendersku dokumentaciju.

Obzirom da je tenderskom dokumentacijom predmetnog postupka javne nabavke, kao krajnji rok za prijem ponuda bio određen 26.09.2019. godine do 11:00 sati, ugovorni organ je donio Obavještenje broj: 06-14-297-5/19 od 13.09.2019. godine, o obustavljanju postupka javne nabavke: „Nabavka i isporuka zaštitnih kaciga za vatrogasce“. Istog dana putem e-maila svi potencijalni dobavljači su obavješteni i isto je objavljeno dana 13.09.2019. godine na web stranici ugovornog organa: www.kucz.ks.gov.ba.

Dana 09.10.2019 godine, ugovorni organ je zaprimio Rješenje Ureda za razmatranje žalbi BiH (u daljem tekstu: URŽ), broj: JN2-03-07-1-2276-7/19 od 03.10.2019. godine u predmetnom postupku javne nabavke, u kojem je URŽ rješavajući po žalbi od dana 09.09.2019. godine žalitelja „Financ“ d.o.o. Mostar zastupanog po punomoćniku Sanelu Neziriću iz Sarajeva nalažio ugovornom organu da poništi tendersku dokumentaciju predmetnog postupka javne nabavke (Obavještenje o nabavci, broj: 282-1-1-53-3-24/19 od 30.08.2019. godine).

S tim u vezi, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 (deset) dana od dana prijema ove iste.

Žalba se izjavljuje Uredu/Kancelariji za razmatranje žalbi Bosne i Hercegovine, putem Ugovornog organa, u pisanoj formi direktno ili preporučenom poštanskom pošiljkom na adresu: Ul. Fehima ef. Čurčića br.1, 71000 Sarajevo. Žalba se podnosi u najmanje 3 (tri) primjerka.

Ugovorni organ će postupati po žalbi na način propisan odredbama člana 100. Zakona o javnim nabavkama.

DIREKTOR

Samir Džihić

Dostavljeno:

- Učesnicima u postupku javne nabavke,
- Sektor za ekonomske poslove KUCZ KS,
- a/a



web: <https://kucz.ks.gov.ba>
e-mail: kucz@kucz.ks.gov.ba
Tel: + 387 (0) 33 257-330, 257-335
Fax: + 387 (0) 33 257-336
Sarajevo, Fehima efendije Čurčića 1